




با پنجده شمشیر مل من مرید غمزه (رسید)
 حیات مانی یوم الحسابه بکزه دیرم
 غاو نطق ایله اولشدر اول وزیر کزین
 (امیری) پیرو فیض جناب محی الدین
 کلام واحدی بیك نکتہ ایلیور تلغین
 عیان مناظر نظمنده اوپله نورم بین
 افنده شمعنه آفتابه بکزه دیرم



ترکیب بند اسماعیل فدائی بك [۱]

جنك اچون صف باغلا یوب کلدی عدوی خاکسار [۲]
 مرد اولان میدانه کیردی قیلدی عزم کارزار
 شاه غازی قلب اچنده کوهوش طوتدی قرار
 باش ویروب باش آله یلر هر بردلیر نامدار
 بز مختلك ایدوب عورت کبی ایتدک فرار
 قوسقونه قوت دیو قیلدی فراری اختیار
 ذره دکلر ایتدک ناموس وعاره اعتبار
 یچه من ترکیب کیوب باشینه اولدی خرسوار
 ار دینه ک شمدنکرو بالله قاری دیک بزه
 غپر نام ایله چاغیرمایک شراری دیک بزه
 اولدی قاچنده حسین آغا بزم سردار من
 آنک آردنجه باله جی زاده سنجاقدار من
 اولدی آردنجه پیاله کتخدا دمدار من

[۱] ۱۰۰۵ سنه سنده فتوحات عظیمه یی موجب اولان مشهور اکری
 محاربه سنده فرار ایدنلر لساندن تاریخ یی بره مظلومه در
 [۲] اسماعیل فدائی بك اکری محاربه سندن آلتی سنه صکره آوستریالیلرک
 مجارستانک پای تختی اولوب اولوقت بودین ولایت عثمانیه سنک مرکزی بولانان
 بودین شهری اوزرینه یورومه لری حبیبیه قارشیلرینه چیغان ومقداری آزا اولان
 چنود عثمانیه اچنده بولنه رقی خارق المعاده دلاورلکار اجرا وموقعی ترکه تنزل
 ایتکمزین شهید اولمشدر. وقنیله اکری فراریلری حثنده یازدینی بو « ترکیب بند »
 اوپله یالذلی سوزلردن عبارت اولدینی وطن اوغیرنده جانی فدا ایتکله اثبات
 ایلشدر. شهید مغفورک دیاربکر (آمد) شهرنده یازدینی بعض ائاری کتبخانه مزده
 موجود در. رحمة الله علیه

طورمادى قاچىدى بىر امدك ياللىز خىنكارمىز
 ايردى اوچ كوندە (صاوا) كوپرىسەنە اياغارمىز
 وار قىياس ايله قاچاركن سرعت برىنارمىز
 هيچ بزم قاچىدىن اوزردە قالمىدى بىر كارمىز
 غېرە وىرسونلار كركىز منصب و تىمارمىز
 اومماسون خىنكار بوندن بوبله بزدن حرب و جنك
 صاغ اولام تك عمان لازم دكل ناموس و نك
 هر برىنر ظن ايدردك كىندىمىز برىپاوان
 ايليوب دعوا نىم دىركىن نرىمان زمان
 دشنى كوردكك بزدن ياكە آت صالدى عمان
 ايلك اسب صبارفتاره ارخاى عنان
 « صونلوق » ه بركىجهده وارمىق ايدوب ظن و كان
 دشت و صحراده كچندك نجه كون بى آب و نان
 عرض كىتدىسە نوله قورتولدى قالدى باش و جان
 نغم دكل نامرد دىرلرسە ديسون خلق جهان
 يوزى قاره بى جىتلو ، مختلر بىز
 باشدن آياغه خباثتله ملونلر بىز
 جنكدن قاچاغى اوكرتدى بزه استادمىز
 خىلى مشكلدر بزه ترك ايلك معتادمىز
 اورمامشدر هيچ شجاعت لافنى اجدادمىز
 ايتسون كيمسە شجاعته جپانده يادمىز
 حاصل يالين قلىجىدندى بزم فريادمىز
 دشنى كورسەك عمان برباد اولور بنيادمىز
 حاك اولونسون پادشاهك دفترندن آدمىز
 پادشاهك دىرلكينه كچسون اولادىمىز
 دىراك و تىمارمىز آلانلره اولسون حلال
 كله صاغ اولسون بولنمى بزه مال و منال
 اختيار ايتدك اولورسە بىرمىز نارسىز
 يانمىزده ذكر اولنماسون عمان نام سفر
 مراد اولانلر ترك ايدىر سره كوستىر شان و هنر
 بىزه مشكلدر بزه آسان كلورسە ترك سر
 عيت طوب و تفكدىن قلمىز ايتدى حذر

هر خجہ طعن و ملامت ایتسه لر قیاماز اثر
 دشمنه برداخی وارمق یوق هله طوغری خبر
 ورد ایدمشنذر « فدائی » بک بوشعری هرسحر
 قوی دیسونار بیزه غیرتسیر . لکه اوغلی لکه
 ایتسونار تک همان تکلیف جنک و دهرکه

کوی خواجہ سی

فاضل محترم ، مالک لباس کمالات و حکم ، غریانی زاده علی وحید
 افدینک بالاده کی نام ایله پوشیده کسوه طبع و نشر ایلدیکی رساله برکزیده نک
 اوچ نسخه سی مصادف نظر ابتهاج اولدی . علی وحید افندی عالم مطبوعاتده
 یکی طائمش اولمیوب نسیج طبع بلاغت پیرالری اولان کوی خطیبی ،
 عسکر علم حالی ، دین درس لری ، چناق قلعه جبهه سنده دویوب
 دوشوند کرم ، تورکجه خطبه لر ، وجود صاغلی کی قیمتی اثرلرینک
 جمله سی کسوه آرای مطبوعاتدر . عربستان سیاحتی ، سجلیاده عربلر کی
 هنوز ملبوس لباسی طبع و نشر اولیان مفید ، نزه اثرلری ده واردر .
 علی وحید افندی حضرتلرینک آثار کزیده لری چیللاق اثرلردن اولمیوب
 شیوه سجه ملیه مزه موافق اويله ظریف اويله بر حسن ادایی حائزدرکه
 هر کلامک بر عروس ناز پرورد سنک

کیم بو عالم دن دکل اثواب و زیب و زیوری

دینسه مبالغه ایدلماش اولدیغنی آثار بی مثالنی هراوقویان البته تصدیق ایدر .
 بناء علیه (کوی خواجہ سی) نی تبریک ، دوام نشرینی جاندن تمنی ایلرزه .

